

QUÆSTIO MEDICA.

*Quodlibetariis disputationibus manè discutienda in Scholis
Medicorum, die Jovis septimâ Maii 1711.*

M. ÆGIDIO ADAM, Doctore Medico,
Præside.

An motus corporis humani ab aëre & sanguine?

I.

HUMANA machina variis acta motibus, nutritur, crescit, conservatur, & sibi similem procreat: quàm manifestum est motum ejus sive naturalem, sive liberum, à fibrarum contractione proficisci, tam Medicos latet causa, ex quâ sequitur hæc contractio. Viâ longè faciliori cælestium corporum rotationes & cursus, aliarumque præcipuarum mundi partium situs & habitudines cum Philosophis explicueris, quàm possis expedire vias quibus animalium motus perficiatur. Quis Arabes audiat ad principia quædam intrinseca, motuum productiva, facultates jejunas, & frigidas qualitates, recurrentes? Quis rerum physicarum rudis existimet motus in humano corpore, & latentes, & conspicuos, vel eos qui liberi dicuntur ab animâ nostrâ de novo produci? Hæc tibi sint axiomata: formæ substantiales Arabum, ipsa mens humana, si motus producerent, agerent dependenter ab affectionibus mechanicis: permanet in orbe universo eadem motus quantitas, quam Deus produxit in primâ rerum genesi: quæcumque corporis humani functiones singulæ solâ motuum communicatione ritè exponuntur. Quapropter motus naturales solis mechanicæ legibus, liberi verò ad nutum animæ rationalis: juxta leges easdem peraguntur, si modò nutus iste præsentibus machinæ viribus respondeat. Ergo superest ut cultro anatomico machina divisa subjiçatur oculis & ipsi rationi, quæ sedere debet arbitra; superest ut singulas partes attentius lustret Medicus, earumque commercia varia scrutetur.

II.

IN hoc partium examine, artis tuæ studiosus observa cerebrum in pyxide ossæâ conclusum, glandulam nempe conglomeratam, cujus cinerea pars & exterior, glandulæ exiliores penè innumeræ,

alba verò & interior, earumdem glandularum canaliculi diversimodè inflexi & complicati: intueri nervorum origines, ventriculos, membranas, vasa, &c. Suspicias tam mirabilem partium suppellectilem publico, non privato muneri famulari? Optimè. Verùm ineptè conjicis sanguinem delatum per aortam ascendentem tenuiorem esse & mobiliorem, ipsum in glandulâ pituitariâ à facibus, si quæ fuerint, liberari. Eiusdem cremorem & fluorem à reliquâ sanguinis massâ segregari, sive spiritus animales in parte corticali cerebri præparatos in interiore medullâ perfici; ventriculos eorumdem spirituum esse receptacula; nervos omnes à glandulâ pineali trahere originem, eandem glandulam vario objectorum impulsu diversimodè inclinatam comprimere ventriculos, quibus eminet, & determinare spiritus ut certos præ aliis nervos subeant, quorum tubulis & cæcis meatibus deducti ad viscera & musculos fiant motuum opifices. Garris cum pronuncias in cerebro percolatos motibus liberis, in cerebello naturalibus, in utroque utrisque inservire: frustra subtilissimi & mobilissimi luminis instar vibrati finguntur, ut motus propensionum nostrarum sic ferè comes: frustra succo nerveo implicati, ne sint fugaciores, supponuntur. Accurrant si velis ad partes, impares certè sunt contractioni procreandæ, & quod aiunt eos cum copulâ explosivâ fermentescere, nos certissimis mechanicæ legibus innixi explodimus. Hæc ingeniosa, sed veritati sunt minimè consentanea.

I I I.

SAGAX naturæ venator phænomenon causas remotiores & occultas, cum proximæ adsunt & patentes non sectetur avidius. Nervi suis radicibus cerebro infiguntur, à quo succum nutritium hauriunt, quo succo turgidi eriguntur & relaxantur destituti. Pilos inspicie glandulis, ipsas plantas terræ glebis insistentes, nervos dixeris spirantes machinæ funes, qui variis fibrillis contexti diversas emittunt propagines, quibus per totam musculi substantiam diffusi, fibras ejus certâ ratione colligatas & disjunctas tenent. Cur alios fingis cerebri & nervorum usus? præsentem habes aëra naturæ clavum à materiâ cælesti, quæ malleus est, adactum, motuum quorumlibet artificem; huic singula refer, quæ Arabes suis formis, Astrologi syderibus, Chymici spiritui universali, referunt accepta. Ipsum mixtorum animam, generationis, corruptionis, incrementi, decrementi, alterationis utriusque parentem meritò habueris: rarefit & densatur, ita gravitat, ut in omnes partes agat; ita elasticus, ut perpetuum sit ejus Elaterium, & cætera corpora suum ab ipso mutuentur; hæc ut exponas phœ-

nomena, fingis ipsum esse infinitis lamellis in spiram contortis conflatum, verè fingis, nec scopum digito tangis: nec felicius conicias cum Cartesio aërias particulas singulas esse flexiles. Hoc statue aëra congeriem esse molecularum breviorum rigidissimarum, quæque adeo compactæ sunt, ut impervix singulis tertii elementi minutiis, ipsis globulis, vix pervia sint materiæ omnium subtilissimæ, non est autem cujusque partis una moles.

EX hac mechanica colligas velim quæcumque naturæ phenomenon celebrantur aeris affectiones, nimirum aëriæ molecularæ à regione corticali excisæ motu vorticoso per spongiosam terræ regionem abreptæ, cum extra ipsum globum excurrunt, à materiâ cælesti repercutiuntur versus centrum, ita ut pari nisu ejusdem materiæ cælestis in partes singulas, quas penetrare non valet, aër esse debeat ad eandem distantiam ejusdem densitatis aut raritatis. Hinc si in aliquo loco rarior fuerit, vicinus subito dilatatus per quaslibet rimulas accurrit, eò quidem citius quò rimulæ sunt angustiores; hinc aer quibuslibet nostri corporis cavitatibus inest, vasis, canalibus, cellulis, meatibus, inest ipsis ossibus, musculis, & liquoribus singulis, succos quoslibet diversis rationibus exagitans. Hæc sæpè recogita, muscularis motus causam exploratam habebis: Musculus fibrarum est congeries, quarum alix tendinosæ, aliæ carneæ; hæ laxiores, illæ compactiores, utraq; vel interiores, vel exteriores, hæ iterum firmiores & rigidiores, quæ instar dolii circulatorum impediunt quominus musculosa caro nimium distendatur: aër in vesiculis fibrarum delitescit, & inter ipsas columnas carneas positus est: sanguis suo pariter aëre imprægnatus per arterias depluens, vesiculas subit, medias inter fibras elabatur; uterque, sanguis & aër adæquata motus causa. Si par copia sanguinis quæ per arterias accessit, per venas effluat, nulla sequitur fibrarum contractio: si major accurrat quàm quæ possit à venulis revehi, fibræ turgescunt, aër versus peripheriam expulsus fit densior, & elatere suo ita sanguinem urget, ut ipsum in ostiola venularum magis dilatata impellat; neque enim particulæ sanguineæ, fibrosæ præsertim eadem ostiola subirent, nisi novas ab aëre sumerent vires in musculis.

V.

VERUM cum major copia hac virtute effluat, distenditur musculus, & aër ipse rarior factus, ideoque debilior, liberiores aditum sanguini iterum permittit, dum venosa substantia arteriosâ mollior subsidens negat parè exitum: Hinc venularum

compressione turgescunt musculi : hinc si minor sanguinis quantitas accurrat, flaccidi sunt ; si ligetur aorta , nulli motus conspicui, si polypo obstruatur, mors sequitur inopina ; si sanguis per arterias capillares ita deferatur in muscolum, ut in quibusdam hæreat, & in aliis motu irregulari cieatur, frigus & tremores excitantur : hanc aëri virtutem non negabit qui noverit solo oris halitu attolli pondera ingentia, sive vesicis flaccidis incumbant, sive ab iisdem sint pendula. Valeant itaque spiritus animales, sine quibus motus cordis perficitur, germen explicatur, embrio nutritur, foetus adolescit, respirat animal, & fæces ejicit. Faciliora inspicere phænomena, occultiora attinges ; urina excernitur cum ipsa in vesicam delapsa ab aëre densiore facto urgetur, quâ ratione aqua aëri validiùs compresso subiecta instar fontis exilit per canalem aëri libero respondentem. Ex alimentis dum in pollinem albicantem rediguntur, plurimus liberatur aër iis incarnceratus, hujusce rei imaginem habes in excipulo machinæ pneumatice in quo ex pisib, uvis recentibus contusis & tritis hæc aëris copia exilit, quæ mercurium attollat ultra centum pollices & suspensum sustineat. Hoc aëre incubante pulci ponderosæ comprimuntur venularum orificia, sanguis per arteriolas indefinenter fluens fibras tum longitudinales, tum annulares tumefacit ; harum contractione ventriculi fundus attollitur, inclinatur pylorus, liquida moles effluit, donec aër elatere suo sanguinem copiosum exagitans orificia dilataverit ; tunc enim fibræ, elongantur iterum contrahendæ.

Ergo motus corporis humani ab aëre & sanguine.

Domini Doctores disputaturi.

<i>M. Nicolaus Andry Professor Regius.</i>	<i>M. Joan. Bapt. Chomel Regia Scientiarum Academiae So- cius.</i>	<i>M. Joannes Gelly.</i>
<i>M. Claudius du Fresne.</i>	<i>M. Andreas Cressé Chirurgia Professor.</i>	<i>M. Claudius Burret Regis His- paniarum Medicus Prima- rius.</i>
<i>M. Philippus Hecquet.</i>	<i>M. Armandus Joseph Collot.</i>	<i>M. Alexand. Pet. Mattot.</i>

Proponebat Parisiis JOANNES BESSE Petrocorensis, Baccalaureus
Medicus. A. R. S. H. 1711.

Apud viduam Francisci Muguet Typographi Regis & Facultatis Medicinæ
1711.